



Dato: 10.3.2018

Vår ref:

Dykkar ref:

TRUSOPPLÆRING BJØRGVIN – TILDELINGSBREV 2018

Tildeling av øyremerkte midlar til trusopplæring i kyrkjelydar i Bjørgvin bispedøme i Den norske kyrkja.

For 2018 gjev Bjørgvin bispedømeråd tilskot til alle einingar (einskild kyrkelyd eller samarbeidande kyrkjelydar) i trusopplæringa i dei kyrkelege fellelråd i Bjørgvin bispedøme.

Innan utgangen av april, vil tildeling for 1. halvår 2018 bli utbetalt for dei gjeldane fellelråd, på 50 % av den årlege tildelinga. Dette er eit a konto beløp, runda av til næraste 1 000 kroner. Resten av tilskotet blir utbetalt innan utgangen av september. Eit eventuelt frådrag av unytta midlar frå 2017, skjer ved utbetalinga andre halvår.

Tilskotet fellelrådet får tildelt til trusopplæring, er basert på tildelingane som vart avtalt for kvar eining, etter vedtak i bispedømerådet. Beløpet er løpande justert, i tråd med den øyremerkte rammetildelinga til trusopplæring i Bjørgvin bispedømet frå kyrkjerådet.

Fellelrådet si forvaltning av midlane

Vi viser til godkjeningsbrev frå biskopen, godkjende lokale planar for trusopplæring i kyrkjelydane innafør fellelrådsområdet, dei oppretta stillingane, tidlegare avtalar og vedtak frå gjennomføringsfasen og Forskrift om økonomiforvaltning for sokneråd og fellelråd av 25.09.2003. Tildelinga blir gitt til kyrkjeleg fellelråd etter § 14 i kyrkjelova.

Målet er gjennomføring av ei systematisk og samanhangande trusopplæring for alle innanfor fellelrådsområdet i alderen 0-18 år, uavhengig av funksjonsevne. Godkjende lokale planar for trusopplæring i fellelrådsområdet skal vere førande for bruken av tilskotet. Planen for trusopplæring, vedteke av Kyrkjemøtet 2009, er ein retningsgjevande plan for trusopplæringsarbeidet i den einskilde kyrkjelyden. Soknerådet er ansvarleg for lokale planar, ref. kyrkjelova § 9.

Tilskotet er gitt for å styrkje trusopplæringa for barn og unge, og skal nyttast på personalutgifter, driftsmidlar, inkludert aktivitetsrelaterte utgifter, samt utgifter til kurs, informasjonsarbeid, opplæring og administrasjon.

Vilkår for tildeling

Kyrkjeleg fellesråd skal

1. leggje til rette for at det blir utarbeidd lokale planar for trusopplæring for alle døypte mellom 0-18 år i alle kyrkjelydar i fellesrådsområdet, i samsvar med § 9 i kyrkjelova.
2. finne gode samhandlingsmåtar med sokneråda til beste for gjennomføring av godkjende lokale planar. Dette skal vere i tråd med ansvar og oppgaver slik dei er skildra i kyrkjelova.
3. skal sørge for at personalressursar og midlar til tilskot blir disponert på ein måte som medverkar til at det blir gitt eit tilbod om trusopplæring i alle kyrkjelydar i tråd med vedtekne lokale planar
4. som valt organ vedta eit samla budsjett for midlane som kjem som tilskot frå Kyrkerådet. Budsjettet skal mellom anna fordele midlane på personalkostnader og midlar til drift. Fellesrådet skal òg vedta kor stor del av midlane til drift som kan disponeras av kvart sokn.
5. føre rekneskap for tilskotet til trusopplæring og tilhøyrande utgifter. Rekneskapen må først på eigen kostnadsstad/prosjekt pr. sokn slik at eigna rapportar kan takast ut. I dei tilfelle der sokneråda fører rekneskapen for driftsmidla, skal desse først på ein eigen kostnadsstad og soknerådet skal rapportere til fellesrådet på bruken av midlane, slik at fellesrådet kan sende til bispedømerådet ein total oversikt over korleis tilskotet er nytta. Til saman skal dette gje oversikt over korleis heile tilskotet til trusopplæring frå bispedømerådet er nytta.
6. sørge for at rapportering av rekneskap og aktivitet blir følgt opp i samsvar med fastsette fristar og rutinar.

Rapportering

Revidert rekneskap for den tildelte summen for 2018 skal innrapporterast til bispedømet innan 15. mai 2018. Rapport for gjennomførte tiltak og vurdering av status for kyrkjelydens trusopplæring i 2017 skal leverast innan 15. januar 2018 ved hjelp av det digitale planverktøyet for trusopplæring, trusopplaring.kirken.no

Unytta midlar

Ved underforbruk/vakanse har fellesrådet høve til å omdisponere midlar mellom budsjettpostane. Endringane skal drøftast med dei kyrkjelydane det vedkjem. Større endringar skal berre skje etter avtale med bispedømerådet.

Ubrukte midlar på inntil fem prosent av totalt tildelt sum til fellesrådet, blir automatisk overført til neste budsjettår. Desse blir plassert i eit bunde fond. Det er ikkje høve til å akkumulere mindreforbruk over fleire år som utgjer meir enn fem prosent av årleg tildeling.

Ubrukte midlar over fem prosent av total tildelt sum går automatisk til frådrag i neste års løyving og bli forvalta av bispedømerådet til trusopplæring i bispedømet. For tilskotsmottakarar med lav tildeling er grensa 10.000 kr, sjølv om det er meir enn fem prosent av tildelinga.

Fellesrådet skal gje melding til bispedømerådet så raskt som mogleg, og seinast innan 1. mars, dersom det viser seg at dei har unytta midlar utover dette.

Tilgang til kontroll og moglege sanksjonar

Bispedømerådet kan gjennomføre naudsynt kontroll av at dei tildelte midlane blir nytta etter føresetnadene i dette tildelingsbrevet. Dersom det i ettertid viser seg at tilskotet ikkje er nytta til det gitte formålet, kan bispedømerådet krevje deler eller heile summen betalt tilbake.

Med venleg helsing

Torfinn Wang, rådgjevar trusopplæring

e.f.

Stiftsdirektør